

Geagte Ouer(s)/Wettige Voog(de)

U moet Aanhangsels A en B van hierdie skrywe vir verdere inligting hou, maar moet asseblief Aanhangel C volledig voltooi, onderteken en aan die skool terugstuur.

Aanhangel A - 2021

SKOOLFONDS - HOËRSKOOL DE AAR– 2021

Hierdie skrywe bevat **baie belangrike inligting** en u as ouer(s)/wettige voog(de) moet dit **baie noukeurig deurlees**, die onderneming gemerk Aanhangel C **volledig voltooi**, onderteken en voor/op **Maandag, 9 November 2020, terugstuur**.

- 1.1 Voltooi asseblief **die onderneming én erkenning van ontvangs (Aanhangel C) volledig**, teken en stuur dit aan ons terug om ons **nie later nie as Maandag 9 November 2020** te bereik. 'n **Aparte** vorm moet **vir elke kind verbonde aan Hoërskool De Aar** voltooi word. Versuim om die vorm betyds in te dien, sal tot gevolg hê dat u kind **nie op 27 Januarie 2021 tot Hoërskool De Aar toegelaat sal word nie weens onvoltooide dokumentasie**. Ons kan nie ons stelsel opdateer sonder u samewerking in hierdie verband nie. **Dit sluit die bewys van fisiese adres in. Die inligting op Aanhangel B bevat wetlike aspekte wat baie sorgvuldig bestudeer moet word.**
- 1.2 **Die skoolfonds vir 2021 is as volg:**
 - 1.2.1 Die skoolfonds vir 2021 beloop R12 600.00 per jaar per leerder.
 - 1.2.2 Die NKOD het in 2020 slegs R18 882.00 vir skryfboeke voorsien, en R0.00 vir fotostate en ander kopieerwerk. Volgens die skool se begroting vir 2021, beloop hierdie bedrag R66 000.00 vir skryfboeke, R15 000.00 vir handboeke, en R128 000.00 vir fotostate en ander kopieerwerk. Om die Beheerliggaam in staat te stel om u kind van dag een te voorsien met hierdie broodnodige materiaal, **is die eerste skoolfondspaaielement van R1 260.00 verpligtend vir almal en betaalbaar VOOR/OP 27 Januarie 2021, ongeag die betalingsopsie wat u uitoefen**. Indien u in gebreke bly, gaan u kind **GEEN** skryfbehoeftes ontvang alvorens daardie paaielement vereffen is nie. **Maak asseblief reeds in Desember 2020 voorsiening vir hierdie eerste verpligte paaielement indien nodig.**
 - 1.2.3 **Alle skoolfonds vir die res van die jaar uitstaande** (d.w.s. R12 600.00 – R1 260.00 betaalbaar voor/op 27 Januarie 2021 = R11 340.00), is betaalbaar **VOOR** 28 Februarie 2021. Indien u **VOOR** 28 Februarie 2021 u totale skoolfonds vereffen, kry u korting van R300.00.
 - 1.2.4 Die volgende metodes van **afbetaling** sal deur die Beheerliggaam aanvaar word vir die oorblywende deel van die skoolfonds indien daardie opsie deur u uitgeoefen is:
 - 1.2.4.1 Nege gelyke **maandelikse paaielemente** van R1 260.00 (R12 600.00 – R1 260.00 betaalbaar voor/op 27 Januarie 2021 = R11 340.00 ÷ 9 maande) betaalbaar vanaf u salaris in Januarie 2021 tot u salaris in September 2021, d.w.s. voor/op die 7de van die volgende maand. **Die totale skoolfonds moet teen 7 Oktober 2021 ten volle betaal wees.**
 - 1.2.4.2 Vier gelyke **kwartaallikse paaielemente** van R2 835.00 (R12 600.00 – R1 260.00 betaalbaar voor/op 27 Januarie 2021 = R11 340.00 ÷ 4 kwartale) betaalbaar voor die einde van Januarie, einde van April, einde van Julie en einde van Oktober, d.w.s. voor/op die 7de van die volgende maand. **Die totale skoolfonds moet teen 7 November 2021 ten volle betaal wees.**
 - 1.2.5 Sodra u rekening in enige stadium gedurende die jaar 'n **90 (negentig) dae, met ander woorde 3 (drie) maande, uitstaande posisie** bereik, sal u oorhandig word vir die skoolfonds vir die **RES van die jaar**.
 - 1.2.6 **U as ouer(s)/voog(de) besluit self hoe u gaan betaal. Die keuse wat u hier gaan uitoefen, sal bindend wees vir opvolgdoeleindes. (SKOOLFONDS IS VOORUITBETAALBAAR.) 2% Rente per maand op saamgestelde bedrae sal gehef word vanaf 1 Februarie 2021 (30 [dertig] dae agterstallig).**
 - 1.2.7 **SKOOLFONDS IS VERPLIGTEND EN AFDWINGBAAR. DIT IS U VERANTWOORDELIKHEID OM MAANDELIKS U SKOOLFONDSREKENING TE KONTROLEER EN SEKER TE MAAK U REKENING IS OP DATUM BETAAL – INSLUITEND OKTOBER/NOVEMBER, AFHANGEND VAN DIE OPSIE WAT U UITGEOEFEN HET.**

2. INVORDERING VAN SKOOLFONDS

- 2.1 U is bewus daarvan dat skoolfonds by Hoërskool De Aar afdwingbaar is, tensy u kwalifiseer vir volle vrystelling. Beskou hierdie skrywe as **skriftelike kennisgewing** dat u geregtig is om aansoek te doen vir **moontlike** vrystelling van skoolfonds. Vorms wat **U PERSOONLIK** moet aphaal vir onmiddellike voltooiing, is vanaf 9 November 2020 tot 13:00, Maandag tot Vrydag, by me. Myburgh beskikbaar. Die **VOLLEDIG voltooide dokumentasie** moet die skool voor/op 5 Februarie 2021 bereik.

- 2.2 Sodra u rekening in enige stadium gedurende die jaar ‘n **90 (negentig) dae, met ander woorde 3 (drie) maande, uitstaande posisie** bereik, sal die proses met betrekking tot invordering in werking gestel word. (Sien aangehaalde gedeelte – paragraaf 5 – Aanhangsel B). Alle wetlike voorskrifte sal uitgevoer word tot en met die oorhandiging van u rekening aan ons regsverteenvoerders.
- 2.3 Sodra hierdie proses begin is, sal **GEEN** skriftelike of telefoniese reëlings óf beloftes aanvaar word nie. Tref dus reeds in Januarie 2021 die nodige **SKRIFTELIKE** reëlings vir die gereelde betaling van u kind(ers) se skoolgeld om oorhandiging te voorkom. Rig u skrywe aan: Die Skoolhoof, Hoërskool De Aar.
- 2.4 Aangesien u hierdie dokument onderteken, verklaar u dat u die inhoud hiervan verstaan, en erken u ook ontvangs hiervan. Vir enige verdere navrae of onduidelikheid, kontak me. Myburgh by 053 - 631 3691 of besoek haar Maandag tot Vrydag tot 13:00 by die skool.

3. PERSOONLIKE BESONDERHEDE

- 3.1 U word versoek om die skool **onmiddellik in kennis te stel sodra u kontakbesonderhede en woonadres verander**. Dit sal verseker dat u u skoolfondsrekening ontvang sodat u u betalings daarteen kan kontroleer.
- 3.2 Die skoolfondsvorm Aanhangsel C moet **BEIDE** biologiese ouers/voogde se inligting bevat, en deur **BEIDE** biologiese ouers/voogde geteken word. Onvolledige vorms sal nie aanvaar word nie, dus versoek ons u om seker te maak dat die vorm **volledig** is, en dat die **bewys van woonadres aangeheg** is.

4. WENKE OM U FINANSIËLE POSISIE TE VERBETER EN SKOOLFONDSBETALINGS OP DATUM TE HOU

Ons is terdeë bewus daarvan dat elke ouer/voog graag die beste vir sy/haar kind wil gee. Daarom is dit belangrik om noukeurig en oordeelkundig te beplan, en sodoende goeie verhoudings te bou. Die ondergenoemde wenke is ter aanvulling van u kind se opvoeding en toekoms.

- 4.1 Maak seker dat u elke maand vanaf Januarie tot September/Okttober u skoolfondsrekening by u kind kry, en kontroleer of u betalings op die rekening verskyn.
- 4.2 Dit is u verantwoordelikheid om die skool, met die nodige bewyse, te kontak indien u met die rekening verskil.
- 4.3 Indien u verkies om u rekening maandeliks per e-pos te ontvang, kontak asseblief vir me. Myburgh om die nodige reëlings te tref.
- 4.4 Indien u nie betyds die skool kan besoek nie, teken ‘n aftrekorder by u bank. Die eerste aftrekking (2de paaiement) moet reeds vanaf u Januarie salaris wees sodat u rekening nie agterstallig raak nie.
- 4.5 Alternatiewelik, laai ‘n herhalende begunstigdebetaling (recurring/future dated payments) op u internetbankdienste.
- 4.6 **Maak asseblief seker dat u skoolfondsrekeningnommer as verwysing op die skool se bankstaat verskyn.**
- 4.7 Maak seker dat die aftrekking wel op u bankstaat betaal is, en nie as onbetaald teruggestuur is nie.
- 4.8 Indien u ‘n meevaller/bonus ontvang, kan dit finansiële verligting bring indien u dit algeheel/gedeeltelik vir skoolfonds aanwend.
- 4.9 Stel ‘n begroting op vir u inkomste en uitgawes, en dissipleneer uself om daarby te hou.
- 4.10 Gaan u begroting gereeld na, en verminder onnodige uitgawes.
- 4.11 Beplan vooruit en maak voorsiening vir groot toekomstige uitgawes.
- 4.12 Indien u u skoolfondsrekening betyds betaal, kan u baie bespaar op rente en oorhandigingskoste.
- 4.13 Minimum oorhandigingskoste beloop tans soos volg (maar is nie beperk tot): Aanmaningsbrief R82.30, instruksiefooie tussen R115.00 en 460.00, dagvaardiging tussen R174.00 en R578.00, baljukoste R150.00 – R450.00 per besoek, Artikel 65a2 brief R82.30, balju betekening vir hofverskyning R515.00 en sertifikaat R81.65, aanbodvorm +- R139.72, lasbrief vir verkoping van bates +- R139.72, vonnis R174.00 – R472.00, besoldigingsbeslagbevel R313.95, en rente.

5. FINANSIËLE HULP SKOOLFONDS - HOËRSKOOL DE AAR

Hierdie afdeling bevat baie belangrike inligting en u as ouer of wettige voog moet dit baie noukeurig deurlees, die erkenning van ontvangs gemerk op Aanhangsel C voltooi en voor/op Maandag, 9 November 2020, terugstuur.

“ ‘n Ouer of wettige voog is aanspreeklik vir die betaling van skoolgeld ingevolge Artikel 39, tensy en tot die mate waarin hy of sy van betaling vrygestel is kragtens die Suid-Afrikaanse Skolewet 84 van 1996.

‘n Openbare skool kan die betaling van skoolgelde deur ouers, wat ingevolge Artikel 40 daarvoor aanspreeklik is, deur regsproses afdwing, nadat dit vasgestel is dat die ouer nie ingevolge die Wet kwalifiseer vir vrystelling van betaling van skoolgelde nie.

‘n Openbare skool kan optree indien:

- (a) die skool bewys kan verskaf van ‘n skriftelike kennisgewing aan die ouer wat per hand of geregistreerde pos* gelewer is en dat die ouer versuim het om vir vrystelling aansoek te doen** soos in Artikel 39 beoog, en
- (b) ondanks die kennisgewing in paragraaf (a) beoog, die ouer versuim om die skoolgelde te betaal*** na ‘n tydperk van drie maande na datum van kennisgewing.”

* insluitend SMS’e

** of dat die aansoek afgekeur is of gedeeltelik goedgekeur is

*** insluitend afgekeurde aansoeke of aansoeke wat gedeeltelik goedgekeur is

DUS, indien u finansiële bystand verlang, moet u van die volgende belangrike inligting kennis neem:

5.1 Daar moet vir elke nuwe skooljaar aansoek gedoen word.

5.2 **Slegs ouers of wettige voogde (soos per toelatingsaansoekvorms) kan ‘n skrywe aan die voorsitter van die SBL rig waarin hulle aansoek doen om vrystelling van skoolfonds.** Dit kan beteken algehele, gedeeltelike, voorwaardelike of geen vrystelling.

5.3 U moet die aansoekvorms persoonlik by me. Myburgh se kantoor afhaal waar u ‘n kontrolelys moet voltooi en teken. GEEN vorms sal vir die leerder(s) of ander partye gegee word nie. Om u privaatheid te beskerm en onverdeelde aandag vir u aansoek te ontvang, word u versoek om me. Myburgh vooraf te kontak vir ‘n afspraak.

5.4 Departementele vorms (Bylae A, B en C) sal dan aan u persoonlik voorsien word, asook ‘n vrystellingsaansoekvorm. Voormelde vorms moet **VOLLEDIG** voltooi word, en **vergesel word deur al die nodige stawende dokumentasie.**

5.5 U vrystellingsaansoek sal as onvolledig beskou word indien **beide biologiese ouers se inligting NIE** die aansoek vergesel nie, ongeag of die ouers geskei of vervreem is, of nooit getroud is nie, ‘n ouer onderhoud betaal of ontvang, ‘n ouer nie meer kontak met die ander ouer het nie, of wat die omstandighede dalk andersins is.

Aanhangsel B – 2021 - vervolg

- 5.6 Die SBL kan nie onvolledige aansoeke afhandel nie. U is persoonlik verantwoordelik vir die afhaal, voltooiing en indiening van u aansoek. Dit is dus **baie belangrik dat u die aansoekvorms NOUKEURIG deurlees, en verseker dat u die aansoek VOLLEDIG indien. GEEN onvolledige aansoeke sal ingeneem word nie. Aansoeke mag nie deur die leerder(s) of ander partye afgelewer word nie. Die skool aanvaar geen verantwoordelikheid vir aansoeke wat nie deur uself ingedien word nie. U moet self u VOLLEDIGE aansoek indien en daarvoor teken op die kontrolelys hierbo gemeld.**
- 5.7 **VOLLEDIGE aansoeke moet nie later nie as VRYDAG, 5 Februarie 2021, by Hoërskool De Aar ingedien word. Aansoeke moet verwerk word vir bespreking op die Finansiële Komitee en SBL se vergaderings. Dis is dus noodsaaklik dat u u aansoek betyds indien.**
- 5.8 **Indien u nie u VOLLEDIGE aansoek betyds indien nie, en versuim om skoolfonds te betaal, sal die oorhandigingsproses gevolg word.**
- 5.9 Die SBL sal u aansoek ondersoek en u binne 30 (dertig) dae skriftelik van hul besluit verwittig.
- 5.10 Die oorspronklike vorms bly by die skool en 'n afskrif word aan die Departement van Onderwys gestuur.

BELANGRIKE KENNISGEWING:

Indien u vir skoolfondsvrystelling wil aansoek doen, MOET Aanhangsel C NOG STEEDS VOLLEDIG VOLTOOI, GETEKEN EN AAN DIE SKOOL TERUGGESTUUR WORD. Indien u aansoek vir skoolfondsvrystelling afgekeur of gedeeltelik goedgekeur word, sal u keuse gemerk by paragraaf 6.2 toegepas word.

Voltooi hierdie bladsy VOLLEDIG en stuur terug aan Hoërskool De Aar voor/op Maandag, 9 November 2020.

'n Aparte vorm moet vir elke kind verbonde aan Hoërskool De Aar voltooi word.

LEERDER SE VOLLE NAME EN VAN:	
LEERDER SE GRAAD IN 2021:	

- 6.1** **BESONDERHEDE VAN BEIDE OUIERS/WETTIGE VOOGDE/PERSONE wat verantwoordelik is vir die betaling van die kind(ers) se skoolfonds. Hierdie inligting MOET ooreenstem met die dokumentasie en inligting voorsien op die kind(ers) se aansoekvorm tot die skool insake die persoon wat verantwoordelikheid vir die skoolfonds aanvaar.**

	MNR	ME
VOORLETTERS EN VAN:		
ID NOMMER:		
STRAATADRES: (Heg bewys aan - VERPLIGTEND) (NIE Hoërskool De Aar NIE)		
POSADRES:		
WERKGEWER SE NAAM:		
WERKGEWER SE ADRES:		
TELEFOON NO WERK:	()	()
TELEFOON NO HUIS:	()	()
SELFOON NOMMER:		
SEL NO VIR SMS'E:	(Slegs 1 ouer)	(Slegs 1 ouer)
E-POS ADRES:		

VOLLE NAME EN VANNE VAN BROER(S) EN/OF SUSTER(S) BY HOËRSKOOL DE AAR

VAN	VOLLE VOORNAME	GEBOORTEDATUM	2021 GRAAD

- 6.2** **Voltooi asseblief die onderstaande (VERPLIGTEND):**

Ek/Ons, _____, ouer(s)/wettige voog(de) van _____
(DRUKSKRIF – NAAM EN VAN VAN OUIER(S)/WETTIGE VOOG(DE)) (NAAM EN VAN VAN LEERDER)

onderneem om die skoolfonds vir 2021 soos volg te betaal: (Dui aan met 'n kruisie 'X').

NB!	NADAT 'n eerste paaiement van R1 260.00 voor/op 27 Januarie 2021 betaal is (maak in Desember 2020 voorsiening indien nodig):
	9 maandelikse paaiemente van R1 260.00 <u>vanaf</u> u salaris in Januarie tot u salaris in September, voor/op die 7de van die volgende maand. Vir hierdie opsie moet die totale skoolfonds teen 7 Oktober 2021 ten volle betaal wees.
	4 kwartaallikse paaiemente van R2 835.00 <u>teen</u> einde Januarie, einde April, einde Julie, einde Oktober, voor/op die 7de van die volgende maand. Vir hierdie opsie moet die totale skoolfonds teen 7 November 2021 ten volle betaal wees.
	Eenmalige paaiement van R11 340.00 - R300.00 korting = R11 040.00 VOOR 28 Februarie 2021. Indien die VOLLE eenmalige paaiement nie VOOR 28 Februarie 2021 betaal is nie, verbeur u die korting.

- 6.3** **ONDERNEMING EN VERKLARING DEUR OUIER(S)/WETTIGE VOOG(DE)
(U AS OUIER(S)/WETTIGE VOOG(DE) IS VERPLIG OM HIERDIE DOKUMENT TE VOLTOOI EN AAN DIE SKOOL TERUG TE STUUR)**

Ek/Ons, _____, ouer(s)/wettige voog(de) van _____
(DRUKSKRIF – NAAM EN VAN VAN OUIER(S)/WETTIGE VOOG(DE)) (NAAM EN VAN VAN LEERDER)

soos bo-aan hierdie bladsy genoem, aanvaar hiermee my/ons finansiële verpligtinge teenoor Hoërskool De Aar en onderneem om dit stiptelik uit te voer. Ek/ons verklaar ook dat ek/ons die inhoud van hierdie skrywe, Aanhangsels A, B en C, verstaan en erken ook ontvangs hiervan.

GETEKEN TE _____ (DORP) OP ____/____/20____ (DATUM).

HANDTEKENING VAN MNR

HANDTEKENING VAN ME

(DRUKSKRIF - VOORLETTERS EN VAN)

(DRUKSKRIF - VOORLETTERS EN VAN)